

“TBC Bank” ATBning “TBCdan 100 ta Yangi Yil sovg‘alari” dasturini o‘tkazish qoidalari

MUNDARIJA

1. Umumiy shartlar;
2. Atama va ta’riflar;
3. Dastur tashkilotchisi;
4. Dasturda ishtirok etish tartibi;
5. Ishtirokchilar huquqlari va majburiyatlari;
6. Bank huquqlari va majburiyatlari;
7. Javobgarlik;
8. Nizolarni hal etish tartibi;
9. Boshqa shartlar.

1. UMUMIY SHARTLAR.

1.1. Mazkur “TBC Bank” ATBning (keyingi o‘rinlarda “Bank” deb ataladi) “TBCdan 100 ta Yangi Yil sovg‘alari” dasturining Qoidalari (keyingi o‘rinlarda “Dastur” deb ataladi) Bank Mijozlarining Dasturda ishtirok etish shartlarini va tartibini belgilaydi.

1.2. Ushbu Dastur Qoidalari lotereya emas yoki Dasturda ishtirok etish bilan bog‘liq holda, Dastur ishtirokchilari uchun mol-mulk xavfini yuzaga keltiruvchi tavakkalchilik asosida yaratilgan o‘yin emas. Dasturni o‘tkazish tartib-taomili ishtirokchilar tomonidan biror-bir to‘lovni kiritishi bilan bog‘liq emas.

1.3. Ushbu Qoidalar O‘zbekiston Respublikasi Fuqarolar Kodeksining 367-moddasiga va 369-moddasining ikkinchi qismiga muvofiq ommaviy oferta hisoblanadi. Qoidalar Bankning rasmiy saytida joylashtirilgan - www.tbcbank.uz.

1.4. Dasturning boshlanish sanasi: 2023 yil 1 dekabr; Dasturning tugash sanasi: 2023 yil 28 dekabr, shu jumladan. Dastur amal qilish muddati: Boshlanish sanasidan boshlab tugash sanasigacha bo‘lgan muddat davomida, shu jumladan.

1.5. Dastur o‘tkazish joyi: O‘zbekiston Respublikasi hududi.

1.6 Dastur amal qilish muddati davomida istalgan miqdorda yangi onlayn Mikroqarz olgan va o‘yin kunigacha to‘lovlarni kechiktirmagan (jadvalga muvofiq birinchi to‘lovni amalga oshirgan) Bankning istalgan verifikatsiyadan o‘tgan mijozi Dastur ishtirokchisi bo‘lishi mumkin.

1.7 Bankning xizmatlari va mahsulotlarini olish, ulardan foydalanish, shu jumladan onlayn Mikroqarz olish tartibi va shartlari Bankning Bosh shartlari (keyingi o‘rinlarda “BSh” deb yuritiladi) va Bankning rasmiy veb-saytida joylashtirilgan va/yoki Bankning mobil ilovasi orqali ko‘rib chiqish mumkin bo‘lgan Bank mahsulotlarining boshqa shartnomalari bilan tartibga solinadi.

1.8. Bank mijozi TBC UZ mobil ilovasidagi “Kredit olish” tugmasini bosish orqali Dastur amal qilish muddati davomida ushbu Dastur shartlarini va qoidalarni avtomatik ravishda qabul qiladi va ularga rozilik bildiradi.

2. ATAMA VA TA‘RIFLAR

Bank	“TBC Bank” aksiyadorlik tijorat banki.
Dastur	“TBC Bank” ATBning “TBCdan 100 ta Yangi Yil sovg‘alari” dasturi
Bankning Mijozi	Bank xizmatlari va mahsulotlaridan foydalanuvchi jismoniy shaxs
Ishtirokchi	Dastur ishtirokchisi sifatida mazkur Qoidalarning shartlariga muvofiq kelgan Bankning mijozi.

Ilova	AppStore va Playmarket platformalarida ishlovchi qurilma-smartfonlarda foydalanish mumkin bo'lgan TBC UZ mobil ilovasi.
Kredit	Bank mahsuloti - "TBC Bank" ATBning Onlayn Mikroqarz shartnomasiga muvofiq Bank tomonidan taqdim etiladigan onlayn mikroqarz.

3. DASTUR TASHKILOTCHISI.

3.1. Dastur tashkilotchisi - Bank.

3.2. Bankning rekvizitlari: 100015, Toshkent shahar, Mirobod tumani, Fidokor ko'chasi, 10B-uy. Telefon: +99878 777 2727. Pochta: contact@tbcbank.uz

4. DASTURDA ISHTIROK ETISH VA SOVG'ALARNI O'YNASH TARTIBI.

4.1. Ishtirokchiga aylanish uchun Bankning Mijozi ushbu Qoidaning 1.6-bandida belgilangan shartlarga rioya etishi zarur.

4.2. Har bir dastur ishtirokchisiga tasodifiy o'yinda 100 (yuz) ta sovrin – 15 ta Apple iPhone 15Pro, 15 ta Apple Mac air m1 noutbuklari, 40 ta Samsung Smart TV 43" va 10 000 000 (o'n million) so'm miqdoridagi 30 ta pul mukofoti beriladi.

4.3. Sovrinlar o'yinlari 2023 yil 7, 14, 21, 29 dekabr kunlari Dastur ishtirokchilari o'rtasida o'tkaziladi. Sovrinlar o'yinlarining har bir keyingi bosqichida imkoniyatlar qayta ishga tushiriladi, avvalgi bosqichlar g'oliblari bundan mustasno.

4.4. G'oliblar tasodifiy raqamlar generatori (Randomizer) tomonidan aniqlanadi. Har bir o'yinda 25 (yigirma besh) tadan g'oliblar aniqlanadi. G'oliblarning umumiy soni 100 (yuz) ta teng bo'ladi.

4.5. O'yinda ushbu Qoidalarga muvofiq ishtirokchi bo'lgan barcha mijozlarning imkoniyatlari ishtirok etadi. O'yin g'oliblari o'yinning keyingi bosqichlarida qatnashmaydilar.

4.6. Agar Ishtirokchi o'yinda g'olib bo'lsa, Bank pul mablag'i ko'rinishida bo'lmagan yutuqni oxirgi o'yin o'tkazilgan kundan boshlab bir oy ichida topshiradi. Pul yutug'i ham oxirgi o'yin o'tkazilgan kundan boshlab bir oy ichida Bank tomonidan taqdim etiladi.

5. ISHTIROKCHILAR HUQUQLARI VA MAJBURIYATLARI.

5.1. Ishtirokchi quyidagi huquqlarga ega:

- Bank qoidalari va shartnomalarida belgilangan hajmda va tartibda Dastur to'g'risida ma'lumot olish;

- ushbu Qoidalarning 1.6-bandiga rioya qilgan holda, ushbu Qoidalarga muvofiq Ishtirokchi maqomini olish;

5.2. Ishtirokchi ushbu Dastur qoidalari bilan tanishishi shart. Bank mijozining Dasturda ishtirok etishi avtomatik tarzda Bank mijozining ushbu Qoidalar bilan tanishganini va to'liq roziligini bildiradi.

5.3. Ushbu Dasturda ishtirok etish va mazkur Qoidalarga o'z roziligini bildirgan holda aksiya ishtirokchisi sovrinlarni topshirish vaqtida olingan fotosuratlarini axborot aloqa kanallarida joylashtirilishiga o'z roziligini beradi.

6. BANK HUQUQ VA MAJBURIYATLARI.

6.1. Bank ushbu Qoidalarga muvofiq Dasturni o'tkazishi, shuningdek, o'yinda ishtirok etish imkoniyatini taqdim etishi hamda Sovrin o'ynalishi bo'yicha majburiyatlarini bajarishi shart.

6.2. Ushbu Dastur Qoidalarining 1.4-bandiga muvofiq butun Dasturning amal qilish muddati davomida Bank tomonidan bekor qilinishi mumkin emas. Bank, shuningdek, ushbu Dasturning amal qilish muddatini bir tomonlama tartibda uzaytirish huquqini o'zida saqlab qoladi, bu haqda Bank tomonidan mijozlarga istalgan aloqa kanallari orqali xabar beriladi.

6.3. Bank Dastur ishtirokchilarini aniqlash maqsadida O'zbekiston Respublikasining amaldagi qonunchiligi doirasida Dasturni amalga oshirish uchun anketalar yoki boshqa ma'lumotlar va hujjatlarni to'plash orqali ishtirokchilarning shaxsga doir ma'lumotlarini to'plash huquqiga ega.

6.4. Bank bir tomonlama tartibda o'yin shartlarini o'zgartirish va Dastur to'g'risidagi qo'shimcha ma'lumotlarni <https://tbcbank.uz/> veb-saytida, shuningdek, Bank ofislarida e'lon qilish huquqini o'zida saqlab qoladi.

6.5. Bank xavf va suiiste'mollik bo'yicha tekshirish ishlarini o'tkazganidan so'ng, Mijoz sovrinni olish uchun talab qilishi mumkin. Shu bilan birga, agar Bank mijozni noqonuniy, shubhali va/yoki firibgarlik xatti-harakatlarini amalga oshirayotgan deb asosli ravishda hisoblasa, Bank Mijozga ushbu Qoidalar shartlarini bajarishini rad etish huquqini o'zida saqlab qoladi.

Biroq, Bank: (a) har qanday chegirmalarni bekor qilishi; (b) Mijozning Dasturda ishtirok etishini yoki chegirmaga ega bo'lishini taqiqlashi; (c) Mijozning kelajakdagi aksiyalar va o'yinlardagi ishtirokini bloklayishi; va/yoki (d) har bir holatda, agar u o'zining oqilona fikriga ko'ra, Mijozning xatti-harakatlari ushbu Qoidalariga zid deb hisoblasa va/yoki Mijoz Dastur shartlarini suiiste'mol qilayotganligi borasida qaror qabul qilgan bo'lsa yoki har qanday holatda uning hisobini to'xtatib qo'yishi mumkin. Bunga quyidagilar kiradi, lekin ular bilan cheklanmaydi:

- (i) bir nechta hisobvarag'lar ochish;
- (ii) ro'yxatga olish vaqtida noto'g'ri ma'lumotlar taqdim etish;
- (iii) ijtimoiy tarmoqlarda, veb-saytlarda, qidiruv tizimlarida yoki ommaviy tarqatish vositalarining har qanday shakli orqali yolg'on/noqonuniy/noto'g'ri ma'lumotlarni ommaviy ravishda taqdim etish;
- (iv) hisobvarag'ning haqiqiy egasi nomidan harakat qiluvchi uchinchi shaxslarga foydalanish huquqi bilan ta'minlash.

7. JAVOBGARLIK.

7.1. Bankning ishtirok etish imkoniyatini berish majburiyati mijozga yangi Kredit taqdim etilgan vaqtda hamda Bankning aloqa kanallarida barcha o'yinlar natijalarini o'tkasib, e'lon qilingandan so'ng bajarilgan hisoblanadi.

7.2. Bank mazkur Qoidalar amal qilish muddati davomida yuzaga kelgan tizimlardagi texnik nosozliklar, kamchiliklar, xatolar bilan bog'liq ushbu Qoidalariga muvofiq majburiyatlar bajarmaganligi uchun javobgar emas.

7.3. Agar 7.2-bandda ko'rsatilgan vaziyatlar yuzaga kelsa, Bank texnik tizimlarida yuzaga kelgan xatolar, kamchiliklar va nosozliklarni bartaraf etish sana va muddatini Bank mustaqil ravishda belgilash huquqini o'zida saqlab qoladi.

7.4. Agar uchinchi shaxslarning qasddan va/yoki qasddan bo'lmagan xatti-harakatlari sabab Bank ushbu Qoidalarda belgilangan shartlarni bajara olmasa, Bank javobgar emas.

7.5. Mazkur Qoidalar asosida tartibga solinmagan boshqa masalalar Bankning Bosh Shartlari hamda Bank va Bankning Mijozni o'rtasida tuzilgan boshqa shartnomalar bilan, shuningdek, O'zbekiston Respublikasining amaldagi qonunchiligi bilan tartibga solinadi.

8. NIZOLARNI HAL ETISH TARTIBI.

8.1. Ushbu Qoidalardan kelib chiqadigan yoki ular bilan bog‘liq barcha nizoli masalalar do‘stona yo‘l bilan maslahat va muzokaralar yordamida hal qilinadi.

8.2. Agar Tomonlar nizo va kelishmovchiliklarni 8.1-bandga muvofiq hal qilishga erisha olmasa, nizolar O‘zbekiston Respublikasining qonunchiligiga muvofiq Bankning rasmiy ro‘yxatdan o‘tgan manzilida hal qilinadi.

9. BOSHQA SHARTLAR

9.1. Ushbu Qoidalar 01.12.2023 yildan kuchga kiradi va 29.12.2023 yilgacha amal qiladi, shu jumladan.

9.2. Ushbu Qoidalar Bankning rasmiy veb-sayti - www.tcbank.uz da joylashtirilgan.

9.3. Dastur ishtirokchilari yuqoridagi saytda (yuqorida ko‘rsatilgan havolada) tegishli o‘zgarishlarni tekshirish orqali Dastur shartlarining yangilanishini mustaqil ravishda nazorat qilishlari shart.

9.4. Bank mijozi TBC UZ mobil ilovasining “Mulohazalar” bo‘limida bu haqda yozgan holda ushbu Dasturda ishtirok etishni rad etishga haqli.

9.5. Bank xodimlari, Bank affilangan shaxslarining xodimlari va ularning yaqin qarindoshlari Dasturda ishtirok etishlari mumkin emas.